



閩媛典第一百八十三卷

閩節部列傳六十五

明六十 王一蘭妻何氏 魏廣引妻田氏

按南樂縣志何氏王一蘭妻年二十夫亾一子方二歲家貧食不給日夜勸食紅以佐之并供子館穀子後登科萬曆間勅建坊旌表 按南樂縣志田氏生員魏廣引妻年十九夫亾苦志勵節凡五十載萬曆間勅建坊旌表

石汝爲妻李氏 馮籌妻王氏 趙室母高氏

按南樂縣志李氏石汝爲妻年十九夫亾守節養姪女終身 按南樂縣志王氏生員馮籌妻年二十夫死守節不變 按南樂縣志高氏趙堂母夫某早亾守節不嫁年踰百歲而卒

王勉亮妻孟氏 郭待言妻尹氏 李士荷妻王氏

士昌妻附

按南樂縣志孟氏生員王勉亮妻年二十亮亡遺幼子弱女皆撫之成立守節四十年御史表其門仍給以粟帛 按南樂縣志尹氏郭待言妻言早歿氏方幼艾撫孤守節五十餘年 按南樂

縣志王氏李士荷妻荷亡弟士昌亦早歿昌妻與姒同姓二寡共守節侍養翁姑幾四十餘年皆以壽終

馬三牧妻徐氏

馬三鰲妻趙氏

李染妻丁氏

柴氏附

按南樂縣志徐氏太學生馬三牧妻牧早亡氏撫三孤皆成立守節凡五十餘年

按南樂縣志

趙氏生員馬三鰲妻年二十三守節撫一女艱窘不渝其志壽七十餘卒

按南樂縣志丁氏李

染妻染亡氏年二十七矢志靡他與妾柴氏同苦守終身

端確妻楊氏

劉富妻孫氏

陳讀妻王氏

按南樂縣志楊氏端確妻夫亡守節終身

按滑縣志孫氏劉富妻年二十四夫亡二子皆幼孫

守節不渝勤紡績以教子孫

按滑縣志王氏陳讀妻讀早亡氏年二十七矢志堅守撫養二孤

五十年如一日二子俱克有成

李雲鳳妻周氏

周汝翼妻趙氏

耿泰運妻康氏

按滑縣志周氏儒生李雲鳳妻年二十四夫亡守節事姑以孝聞教二子俱成立年七十猶不輟紡

續以壽終

按滑縣志趙氏周汝翼妻年二十四翼亡氏矢志不移續紡度日教二子克成年七

十八終

按滑縣志康氏生員耿泰運妻年十七適泰運越三年運死無出運弟夫妻皆亡氏爲

撫養孤姪孝事翁姑終其身

王錡妻朱氏

張秉衷妻王氏

劉愷妻孟氏

按滑縣志朱氏生員王錡妻年二十二錡歿遺子二長三歲次方十月氏勵志守節孝事舅姑教子

俱成立

按滑縣志王氏張秉衷妻秉衷早亡氏年十九遺孤僅一歲王日夜哭泣勵志守貞撫

孤成立年八十餘卒

按滑縣志孟氏生員劉愷妻年十七歸劉六年愷亡子幼家貧舅姑逼改

節氏矢死不從勤紡績訓子成立孀居六十七年終

王鎮妻馮氏

按東明縣志馮氏里民王鎮妻馮良卿女也年十五適王居八年姑及夫並亡夫之兄及子姪數輩一歲中相繼俱死止存一翁及姒翁老姒改適人亦以勸氏輒痛哭曰吾圖一身便無論名節將誰事吾翁及翁娶繼姑于氏年少越三年生二子翁歿遂勸繼姑同苦守屢遭饑荒氏勤作持家積久

日豐族人利其有將不利於二孤氏飲食行步不離及成立而止數年間兒女成行二叔事嫂如母氏年九十卒

郭汝英妻劉氏

按東明縣志劉氏郭汝英妻生而貞秀有古烈女風萬曆三年英亡劉氏哀毀不食欲從死因念家貧二親老三子皆幼身死無以爲託遂強起視家事事老撫孤不捨機杼越三十載子慎獨登賢書凡四遇凶荒卒保無恙

景際可妻盧氏

按東明縣志盧氏信陽縣教諭景瑩子際可妻性端潔嫻於內則年十七歸景舅姑食必親調衣必手製舅姑安則喜稍不適則憂形於色御婢妾身體其勞際可亡盧年未三十痛毀絕食欲從死母氏力勸遂苦節教諸子俱成其長舉戊子孝廉

李繼古妻張氏

按長垣縣志張氏李繼古妻歸古八年生一子一女古亡張哭絕復蘇矢志守節李家故富及是家

漸落歲復不登幾無以給朝夕外侮疊至公私交迫庭無寧晷張氏罄箱篋償之勤苦操作十餘年子長生二孫督令就學每鷄鳴篝燈而續呼二孫起讀未幾皆補弟子員其次名于田成進士官司馬初仕爲嵩令張得祿養焉萬曆乙酉學使疏聞於朝詔旌表

王端妻趙氏

孟堯妻李氏

按長垣縣志趙氏王端妻夫早亡氏年少無子誓死守節舅姑惜其孤欲令更適趙曰婦義無再醮况舅姑在耶其守愈堅垂老無二志 按長垣縣志李氏諸生孟堯妻事姑盡孝堯死族人欲嫁之李截髮示無二志姑死守愈堅貧甚爲人補綴自給終不改節

陳榮妻羅氏

吉祥妻吳氏

按東路志羅氏陳榮妻榮每夜讀羅卽以紡績就伴之後貢入太學尋沒羅哭之哀或勸他適不聽毀瘠自苦四十餘年未嘗一出閫闔監司表其門 按東路志吳氏吉祥妻祥遭宿疾自度不起呼氏囑曰爾歸我家四年子僅三歲去留聽自審此兒終以相託毋使我無後也吳泣曰爾疾無妨倘不幸自有處祥沒誓不再嫁撫子成人鄉里稱賢節

李銘妻顧氏

冀欽妻周氏 李氏附

按東路志顧氏李銘妻夫死子通甫三歲家貧氏以女紅易衣食通稍長卽教之讀書督率勤懇少惰輒嗚嗚泣不休通感動益奮勵尋以國學生得官祿氏喜曰庶幾不負吾勞乎年八十餘卒

按東路志周氏冀欽妻土木人年十八歸欽生子堂甫二歲而欽歿氏矢志撫孤成人孀居六十載年七十八堂娶李氏亦早沒李事姑孝冰蘖之操後先媲美

趙英妻王氏

彭璽妻郭氏

車輔妻王氏

按東路志王氏趙英妻夫死氏年二十六二子澄清俱幼翁姑垂白家徒四壁人難其守王曰但不畏死天下無難事苦節四十九年旣送舅姑終復見子登仕籍 按東路志郭氏彭璽妻夫氏氏

年二十二或勸改適氏曰婦人不恥二夫餓狗不食其肉吾深爲若輩羞勸者大服苦節四十年終按東路志王氏車輔妻夫隨征陣亡王年二十二家貧姑老子復幼稚氏苦節三十餘年仰事俯育克盡慈孝

宋儒妻孫氏

張本中妻靳氏

陳祥妻宋氏

按東路志孫氏宋儒妻夫死守節孝養舅姑教其子爲諸生

按東路志靳氏懷衛應襲指揮張

本中妻夫歿氏年十八子尙賢甫六月苦志守賢長襲職有司旌表

按東路志宋氏懷衛庠生

陳祥妻祥亡子后方在哺家貧舅姑耄老氏出簪珥衣服以供甘脆撫幼子成立苦節終身

王邦佐妻劉氏

康顯忠妻張氏

宋氏附

王世德妻翟氏

按東路志劉氏衛庠王邦佐妻夫歿家貧子幼親族無倚里豪強欲娶氏氏以死拒之苦節以養翁姑訓遺孤長入塾序年八十一卒有司旌表

按東路志張氏千戶康顯忠妻忠死氏年十九子

兆民甫週氏伏柩旁三日不食所親苦勸始強起子既長襲職又蚤喪婦宋氏與姑共相守砥行一如其姑

按東路志翟氏王世德妻夫死子皞民甫二歲其舅欲奪氏志至死不渝家貧勤女紅

以給薪水及皞民長既娶喪偶無子不能再娶兵憲憐氏苦節厚給之

吳道泰繼室王氏

按東路志王氏貢士吳道泰繼室撫前妻子省曾同己出道泰坐沈鍊黨被逮氏破產營救得解選京衛武學博士卒於燕邸氏勵節守志所生三子皆幼每啼號覓梨棗而氏必先省曾而後及己子

後曾筮仕爲福山令三子皆垂髫爲諸生

吳省曾妻劉氏

按東路志劉氏福山令吳省曾妻曾沒於任劉哀毀不欲生扶柩歸葬事孀姑王氏孝謹訓二子皆克成立監司表其門

秦國忠妻吳氏

按東路志吳氏懷來鎮撫秦國忠妻幼穎悟通經史諸書夫歿子關十歲氏躬親教誨嘗引喻古名將忠義大節後關登萬曆癸未科武進士任本城守備氏孀居三十年奏聞建坊旌表

王一元妻吳氏

按東路志吳氏指揮王一元妻一元氏年二十五家貧砥節峻厲媒氏不敢顧其門姑宋氏亦守節勸之曰汝年少無出非中年有子者可比吳垂涕曰姑固有子今亦無矣有無何常我待人姑誰侍我姑姑感泣族人憐之爲立嗣少資贍之

徐夢臣妻黃氏

徐本清妻劉氏

吳仲賢妻林氏

按東路志黃氏延慶右衛武舉徐夢臣妻蚤寡家貧孝養祖姑及姑撫子元登歲薦監司旌其門

按東路志劉氏徐本清妻年二十九夫歿侍姑孝謹督子大威力學成名有司旌表 按東路志

林氏吳從賢妻年二十夫死子未週歲家貧姑老多病林竭力侍奉勵節苦守撫孤成立生二孫

吳一鳳妻倪氏 王錦之妻程氏 李祥妻馬氏

按東路志倪氏吳一鳳妻鳳亡氏年三十有二子未幾二子相繼夭氏操守益勵有司旌之 按

東路志程氏賈人王錦之妻夫亡氏年二十五無子繼姪懋官爲嗣停夫柩於家哭泣上食三年教

嗣子以歲薦授藁城訓導年七十五卒 按東路志馬氏李祥妻年十八歸祥生子讓四歲而祥

亡氏苦節撫孤終其身如一日

李紹妻馬氏 韓加臣妻孫氏 楊孟夏妻王氏

按開封府志馬氏禹州諸生李紹妻夫亡子洞方二歲氏撫孤依父愷以針工自給歷六十餘年

八十五卒 按開封府志孫氏韓加臣妻年十九夫亡媒氏說嫁縊死柩前亟救之良久方甦堅

志守節四十餘年教子國傑孫繼孔繼曾俱爲諸生 按開封府志王氏楊孟夏妻幼通孝經列

女傳年二十夫亡繼祖姑朱氏守節訓子食廩邑庠

張學孔妻王氏

王時陞妻段氏

王棟妻楊氏

按開封府志王氏張學孔妻夫亡無子女守節歷五十年如一日

按開封府志段氏王時陞妻

年二十五夫亡矢志同死一痛幾絕旣而念姑老子幼甘貧紡績以供甘旨教子孫皆成立

按

開封府志楊氏諸生王棟妻年二十五夫亡子方三歲家貧養姑訓子四十餘年卒稱完節

張一安妻王氏

李琳妻孟氏

李蘊妻武氏

按開封府志王氏知府張一安妻夫亡守節截髮毀容撫子奇勛成立孫朗生丁卯舉鄉薦

按

開封府志孟氏李琳妻年十九夫亡守節事姑以孝聞撫孤成立堅守終身旌表

按開封府志

武氏李蘊妻夫亡無子截髮自矢依姪鳴德度日年九十餘終

李復禮妻王氏

趙汝爲妻韓氏

楊氏李氏附

張自強妻李氏

按開封府志王氏李復禮妻夫亡守節四十餘年教子生榮膺歲薦

按開封府志韓氏趙汝爲

妻夫亡守節撫二子長維藩娶楊氏亦早孀侍姑五十二載次子維城娶李氏亦孀居二十四年觀

察使表其門 按開封府志李氏張自強妻夫亡守節二十餘年始終無二

王得職妻李氏 楊嘉言妻任氏 陳應汴妻唐氏

按開封府志李氏王得職妻夫亡守節五十四年教子成名 按開封府志任氏楊嘉言妻夫亡

守節教子成人 按開封府志唐氏醫士陳應汴妻少寡守節家貧賣藥餬口以囊術授子懷忠

成良醫

郭世傑妻周氏 李橋妻屈氏 蘇昂妻魏氏

按開封府志周氏郭世傑妻年二十夫亡養老撫孤堅苦不二年九十四卒 按開封府志屈氏

李橋妻年十九夫亡剪髮毀面誓不更嫁事繼姑終老撫子爲諸生旌表 按開封府志魏氏蘇

昂妻夫亡守節撫孤民育餽於庠孫繼美等俱爲諸生

趙士高妻張氏 韓嘉宰妻方氏 劉士信妻司氏

按開封府志張氏趙士高妻夫亡守節撫孤成立 按開封府志方氏韓嘉宰妻夫早亡子來聘

亦沒與媳梁氏同堅苦節撫孫繼文舉丙子孝廉 按開封府志司氏劉士信妻夫亡守節事姑

撫子苦節五十六年終

李尙德妻王氏

宋光啟祖母屈氏

宋僊妻黃氏

按開封府志王氏李尙德妻夫亡守節終身教子成立以孝行聞

按開封府志屈氏宋光啟祖

母夫亡守節終身

按開封府志黃氏宋僊妻夫亡矢志守節撫孤終身旌表

連浩妻任氏

李表妻喬氏

李欽妻裴氏

按開封府志任氏連浩妻夫亡守節奉姑教子有方年八十一卒

按開封府志喬氏李表妻夫

亡苦志不移堅守五十年終

按開封府志裴氏李欽妻年十七守節撫襁褓子璘成立奉姑極

孝處家極和有司表其門

李增妻劉氏

任濟妻馬氏

陳貢妻李氏

按開封府志劉氏李增妻大學士字之女少寡守節以事翁姑或憐其少諷改嫁痛哭觸壁流血仆

地孀居四十年撫子琇貢入成均旌表

按開封府志馬氏任濟妻夫亡年少無子女守節孝養

翁姑年八十五卒

按開封府志李氏陳貢妻夫亡撫一女孀居至老州牧表之

馬天常妻李氏

郭能妻劉氏

薛銳妻張氏

按開封府志李氏馬天常妻夫亾守節率僕婢耕織撫養二孤成人

按開封府志劉氏郭能妻

夫亾孀居五十四年撫孤成立見五世孫而卒

按開封府志張氏薛銳妻夫亾年少守節撫三

女遺嫁養姑及葬清苦六十餘年旌表

殷震妻魏氏

朱重輝妻劉氏

周淮妻李氏

按開封府志魏氏殷震妻夫亡辛苦萬狀撫孤爲諸生終其身如一日

按開封府志劉氏朱重

輝妻夫亾守節撫孤奎文爲諸生

按開封府志李氏周淮妻少寡守節撫子孝姑年八十二終

文學妻陳氏

周見龍妻安氏

李九功妻申氏

子氏附

按開封府志陳氏文學妻夫亾守節旌表

按開封府志安氏周見龍妻夫亾年少守節撫孤鳳

瑞入庠旌表

按開封府志申氏李九功妻與其弟婦于氏皆少寡孀居申撫子得先膺乙未歲

薦

張華先妻孫氏

楊慎德妻李氏

蕭氏附

張麟德妻呂氏

按開封府志孫氏張華先妻年十九而寡撫遺腹子行慎苦志教之補弟子員年六十四卒 按

開封府志李氏楊慎德妻夫亾苦節五十年撫子成傳入庠尋亦沒婦蕭氏孀居能繼姑志撫二子

英菁亦爲諸生稱雙節 按開封府志呂氏張麟德妻年十八夫亾守節五十餘年教子耀宗爲

諸生

楊慎思妻張氏

魏氏附

宗士星妻董氏

楊慎成繼妻田氏

按開封府志張氏楊慎思妻夫亾子女四人皆妾魏氏出二寡共矢柏舟撫養成立以壽終 按

開封府志董氏宗士星妻夫亾守節撫孤備嘗艱苦以年少家貧翁姑欲奪其志不從憂鬱而死

按開封府志田氏楊慎成繼妻夫亡守節撫前室一子二女如己出教子連周長爲府照磨

李思傑妻潘氏

孫麟種妻張氏

呂氏附

王恆禮妻孟氏

按開封府志潘氏李思傑妻年十八而寡孀居五十餘年撫子成立 按開封府志張氏孫麟種

妻夫亡氏方少矢志不嫁事翁以孝稱種弟麟沼亦早喪妻呂氏守志如張人稱雙節 按開封

府志孟氏王恆禮妻夫亡守節奉姑姑憐其少令改適不從堅守至老有司旌其門

樊于妻張氏

張相妻苗氏

羅珠妻韓氏

按開封府志張氏樊于妻年二十夫亡遺二孤長松次梅並在襁褓氏苦勤績紡撫之成人

按

開封府志苗氏張相妻夫亡子女俱無家貧甚勵志堅守備嘗艱苦四十餘年

按開封府志韓

氏羅珠妻年十八夫亡守節撫遺孤於襁褓中甘貧奉姑歷五十餘年卒

呂琰妻陸氏

李藩妻谷氏

孟仁妻關氏

范氏附

按開封府志陸氏呂琰妻歸琰恪執婦道夫早亡家貧無子女苦節終身

按開封府志谷氏李

藩妻夫亡苦守遺孤三人皆克成立

按開封府志關氏孟仁妻夫亡守節至老子學思亦早歿

妻范氏貞守如姑縣令旌表

楊春嘯妻孫氏

武尙文妻韓氏

按開封府志孫氏楊春嘯妻夫亡無子守節養姑晚節愈堅旌表

按開封府志韓氏武尙文妻

尙文早亡遺二孤皆穉族戚哀其貧以錢二十千爲贖辭曰吾夫素廉靜自守不好與人交今若此非夫志也拒勿受且以所遺薄產盡付伯氏聽給予課子際盛以戊子副榜貢苦節終身

黃朝聘妻李氏

呂洪勳妻尙氏

蘭尙敬妻蕭氏

按開封府志李氏黃朝聘妻夫亡守節三十餘年撫子成立

按開封府志尙氏呂洪勳妻夫亡

苦操終身教子允修成立

按開封府志蕭氏蘭尙敬妻尙敬早失怙母焦氏守之長氏年二十

又寡或勸再適蕭曰吾獨不能繼姑志乎卒守節終身

張鳳妻党氏

楊氏附

趙體健妻郝氏

吳志員妻王氏

按開封府志党氏諸生張鳳妻鳳亡党年二十五撫遺孤憲誓不再醮憲娶楊氏尋喪遺腹生一子

婦姑竭力撫之成人

按開封府志郝氏趙體健妻夫亡守節撫孤奉詔旌表

按開封府志

王氏諸生吳志員妻夫亡年二十四守節七十七年卒

靳自敏妻馬氏

按開封府志馬氏靳自敏妻夫亡年二十一子殊幼氏守節四十餘年旌表

趙遠妻溫氏

按開封府志溫氏趙遠妻萬曆戊子大饑比屋病疫氏佐翁姑散粟米全活甚衆未幾翁姑與遠俱